

05.12.2022թ.

ք.Երևան

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ
ՊԵՏԱԿԱՆ ԵԿԱՄՈՒՏՆԵՐԻ ԿՈՄԻՏԵ

ՈՐՈՇՈՒՄ թիվ 479078

ՎԱՐՉԱԿԱՆ ԻՐԱՎԱԽԱՏՄԱՆ ԳՈՐԾԻ ՎԵՐԱԲԵՐՅԱԼ

Ես՝ ՀՀ ՊԵԿ իրավաբանական վարչության պետ Ա.Մնացականյանս, քննելով վարչական իրավախախտման վերաբերյալ թիվ 41013 գործը և ուսումնասիրելով վարչական իրավախախտման վերաբերյալ 02.12.2022թ. թիվ 41013 արձանագրությունը և կից նյութերը,

ՊԱՐԶԵՑԻ

Համաձայն ՀՀ պետական եկամուտների կոմիտեի հետաքննության և օպերատիվ հետախուզության վարչության 09.11.2022թ-ի թիվ 1518437 արձանագրության՝ ՀՀ առողջապահական և աշխատանքի տեսչական մարմնի կողմից Ա/Ձ Արմեն Մուսաելյանին (ՀՎՀՀ՝ 25389498) պատճանող Երևան, Մամիկոնյանց 27 հասցեում գործող դեղատանը սույն թվականի հոկտեմբերի 19-ին իրականացված ստուգման արդյունքում արձանագրվել են իրացման նպատակով՝ դրոշմապիտակներով դրոշմավորման ենթակա չդրոշմավորված 1210900 ՀՀ դրամ ընդհանուր արժեքով դեղեր: Սույն թվականի նոյեմբերի 9-ին Ա/Ձ Արմեն Մուսաելյանին պատճանող Երևան, Մամիկոնյանց 27 հասցեում գործող դեղատանը իրականացվել է օպերատիվ-հետախուզական միջոցառումներ: Ընկերության դեղագործ Դավիթ Գազարովի մասնակցությամբ դեղատանը իրականացված օպերատիվ հարցում ու իրերի և փաստաթղթերի հետազոտում միջոցառումների արդյունքում պարզվեց, որ վերոնշյալ դեղատանը 109 անվանում դրոշմապիտակներով դրոշմավորման ենթակա չդրոշմավորված 1210900 ՀՀ դրամ վաճառքի արժեքով դեղերը՝ չստուգելով դրոշմապիտակի առկայությունը, առանց դրոշմապիտակի ընդունել է տարբեր քաղաքացիներից և ցուցադրել դեղատան ցուցափեղկում վաճառքի գներով: Ա/Ձ Արմեն Մուսաելյանը օտարել է ակցիզային դրոշմանիշներով և (կամ) դրոշմապիտակներով դրոշմավորման ենթակա չդրոշմավորված (չվերադրոշմավորված) ապրանքներ, որի ընդհանուր արժեքը գերազանցել է հինգ հարյուր հազար դրամը, որի համար պատասխանատվություն է նախատեսված ՀՀ Վարչական իրավախախտումների վերաբերյալ օրենսգրքի 170.8 հոդվածի 4-րդ մասով:

Նշված դեպքի առթիվ ՀՀ ՊԵԿ իրավաբանական վարչությունում հարուցվել է վարչական վարույթ, որի շրջանակներում ծանուցագիր է ուղարկվել Ա/Ձ Արմեն Մուսաելյանին (հասցե՝ Երևան, Մամիկոնյանց 27, ՀՇՀ՝ 1104960788):

Կողմը պատշաճ ծանուցված լինելով արձանագրության կազմման, գործի քննության վայրի և ժամանակի վերաբերյալ, չի ներկայացել: Գործում առկա չէ առարկություն կամ բացատրություն:

Նկատի ունենալով, որ Ա/Ձ Արմեն Մուսաելյանի կողմից իրացված ակցիզային դրոշմանիշներով և (կամ) դրոշմապիտակներով դրոշմավորման ենթակա չդրոշմավորված (չվերադրոշմավորված)

ապրանքների ընդհանուր արժեքը գերազանցել է հինգ հարյուր հազար դրամը(օտարված ապրանքի ընդհանուր արժեքը կազմում է 1210900 ՀՀ դրամ), հետևաբար վերոնշյալ իրավախախտման համար պատասխանատվություն է նախատեսված Վարչական իրավախախտումների վերաբերյալ ՀՀ օրենսգրքի 170.8 հոդվածի 4-րդ մասով, ուստի ղեկավարվելով Վարչական իրավախախտումների վերաբերյալ ՀՀ օրենսգրքի 32-րդ հոդվածի 2-րդ մասով, 244², 281 հոդվածներով և 282 հոդվածի 1-ին մասով՝

ՈՐՈՇԵՑԻ

Համաձայն Վարչական իրավախախտումների վերաբերյալ ՀՀ օրենսգրքի 170.8 հոդվածի 4-րդ մասի, Արմեն Մուսաեյանի նկատմամբ կիրառել վարչական տույժ՝ նշանակել տուգանք 1.200.000 (մեկ միլիոն երկու հարյուր հազար) ՀՀ դրամի չափով:

ԻՐԱՎԱԲԱՆԱԿԱՆ ՎԱՐՉՈՒԹՅԱՆ ՊԵՏ

(Handwritten signature)



Ս.ՄԱՆՍՅԱՆՅԱՆ

Ծանոթություն. Վարչական իրավախախտումների վերաբերյալ ՀՀ օրենսգրքի համաձայն՝ Վարչական տույժ նշանակելը վարչական իրավախախտում կատարած անձին չի ազատում այն պարտականություն կատարումից, որը չկատարելու համար նշանակվել էր վարչական տույժ (հոդված 40) Վարչական իրավախախտման վերաբերյալ գործի որոշման դեմ զանգատ կարող է տրվել որոշումն ստանալուց հետո երեսուն օրվա ընթացքում: Նշված ժամկետը հարգելի պատճառներով բաց թողնելու դեպքում այդ ժամկետը կարող է վերականգնվել զանգատը քննելու համար իրավագործ մարմնի (պաշտոնատար անձի) կողմից, այն անձի դիմումով, որի նկատմամբ ընդունված է որոշումը (հոդված 288) կամ որոշումը կարող է բողոքարկվել ՀՀ վարչական դատարան՝ երկամսյա ժամկետում: Խախտողի կողմից տուգանքը պետք է վճարվի տուգանք նշանակելու մասին որոշումը նրան հանձնելու օրվանից ոչ ուշ, քան տասնհինգ օրվա ընթացքում, իսկ այդ որոշումը զանգատարկելու կամ բողոքարկելու դեպքում՝ զանգատը կամ բողոքը առանց բավարարման թողնելու մասին ծանուցման օրվանից ոչ ուշ, քան տասնհինգ օրվա ընթացքում (հոդված 305, մաս 1) զանձապետական հետևյալ հաշվեհամարին՝ 900005240487՝ վճարման անդորրագրի <<նպատակ>> դաշտում պարտադիր նշելով որոշման համարը: Տուգանքը նշանակելու մասին որոշումն իրավախախտում կատարած անձին հանձնելու օրվանից, իսկ տուգանքը նշանակելու մասին որոշումը բողոքարկելու դեպքում բողոքն առանց բավարարման թողնելուց հետո 15 օրվա ընթացքում տուգանքը չվճարելու դեպքում այն ենթակա է բռնագանձման օրենսդրությամբ սահմանված կարգով: Մասնակցեցի գործի քննությանը, որոշման վերաբերյալ առարկություններ չունեն: Ստացա որոշման պատճենը